

**IMAK-ip sulinngiffeqarluni aningaasaateqarfianit 2019-imi
taperneqarnissaq pillugu**

MALITTARISASSAQ

Atorfillit, IMAK-ip sulinngiffeqarluni aningaasaateqarfianit malittarisassani allassimasut takukkit, naapertorlugu sulinngiffeqarlutik angalanermi taperneqarsinnaasut makku malillugit tapiiffiqartassapput:

- Atorfininnermit sivikinnerpaamik ukiuni marlunni ataannartuni katersuiffiusimasut taassumalu kingorna ukiuni marlunni tulluuttuni katersueqqissimasut sulinngiffeqarluni angalanerit tapiiffiqartassapput. Aningaasat katersorneqartut ukiut tamaasa decembarip ulluisa 31-anni naatsorsorneqartassapput. Ataavartumik atorfeqarnermi isumaqatigiissut malillugu katersukkat ilanngullugit naatsorsorneqartassapput. Piffissami katersuiffimmi akissarsiaqarani sulinngiffeqartoqartillugu (orloverttoqartillugu) katersat ilanngunneqassanngillat.
- Meeqqat atuarfiani ilinniartitsisut, atuarfiup aasakut matoqqanerata nalaani aalajangersimasumik sulinngiffeqartitaasartut, nalinginnaasumik sulinnginnerminni angalanissaminut tapiiffiqartassapput, qanorluunniit ukiut marluk aningaasanik katersiffiusussaq tamakkerlugu katersisimannikkaluarunik, taamaattorli qaammatit 15-it sivikinnerpaamik katersisimasussaataapput.
- Aningaasat katersorneqareerpata tapiiffiqartassapput atuarfiup aasakut matoqqanerata nalaani nalinginnaasumik sulinngiffeqarfiup avataatigut sulinngiffimmini angalanissaminut tapiissutinik tuneqarsinnaatitaavoq; taamaaliornissami malittarisassat nalinginnaasut naapertorlugit aningaasaliisoqarsimanissaa piumasaqaataavoq, qinnuteqaatip kingusinnerpaamik tunniunneqarfissaa nallertinnagu tunniussisoqassaaq aningaasanillu katersuiffissamik malittarisassat naapertorlugit katersuinissaq malinneqarsimassaaq kiisalu sulisitsisoq aasakut sulinngiffeqarnerup avataatigut sulinngiffeqarnissamik isumaqatigiisuteqarfigneqarnissaa aamma piumasaqaataalluni.
- **Ukiuni sulinngiffeqarfiusussami septembarip naanera nallertinnagu sulinngiffeqarluni angalanermut tapiisoqartassaaq. Sulinngiffeqarluni angalanissamik kinguartitsinissamik qinnuteqaat kingusinnerpaamik IMAK-imit aggustip ulluisa aallaqaataat 2019 nallertinnagu tigunneqarsimassaaq. Tapiiffiqartassapput aallarereerpata ukiumik ataatsimik kinguartitsilluni tapiisoqassanersoq siulersuisut aalajangiinnaapput.**
- Ilaqutariit sulinngiffeqarlutik angalanissaat sapinngisamik ataatsikkut pisiarineqassaaq.
- Sulinngiffeqarluni aningaasaateqarfimmit angalatitsiviit akuerisaasa ilaannut billetsinik il.il. pisiniarneq tapiiffiqartassapput:
Airgreenland, Grønlands Rejsebureau, Tupilak Travel aamma Diskoline. Taakku saniatigut www.airgreenland.gl-ikkut billetsinik pisisoqarsinnaavoq. Nittartagaq aqutugalugu billetsisisoqarsimatillugu nammineq akileeqqaartoqartassaaq tamatuma kingorna uppersaat

Sulinngiffeqarluni angalanissap aningaasaateqarfia

IMAK-imut nassiunneqassaaq, tassanngaanniillu aningaasaliissutissatut akuerineqarsimasut iluini aningaasartuutit utertinneqartassapput. Aningaasaliissutissatut akuerineqartut sinnerneqarpata nammineq sinneri akilerneqassapput billetsimik inniminniinermi. Angallanermi aqquutit allat aalajangersimasumik pisoqartillugu siulersuisunit akuerineqarsinnaapput.

- Sulinngiffeqarluni angalaneq tapiiffigineqarsinnaatitaasup ornitassaminik nammineq toqqaareernerata kingorna tapiiffigineqartassaaq. Angalalluni ornitassaq Kalaallit Nunaata ilaaniissinnaavoq, Københavniimiissinnaavoq imaluunniit Kalaallit Nunaanniit toqqaannartumik timmisartorfigineqarsinnaasumiissinnaalluni. Tapiiffigineqarsinnaatitaasoq angalalluni ornitassaminik toqqaassaaq. Ukiumi tapiiffissami 2019-imi qinnuteqaatit tamarnik kattuffimmit tiguneqarsimaleripata tapiissutit amerlassusissaat siulersuisunit aalajangersarneqassapput. IMAK-ip angalatitsiviit akuerisaasa ilaanni imaluunniit www.airgreenland.gl-imi billetsisinerit billetsillu atorunnaarsinneqarnissaannut/ allanngortinnissaannut sillimmasiinerit kisimik tapiiffigineqassapput.
- Aasarsiortarfinnik attartorneq, akunnittarfinniinnerit, biilnik attartornerit imaluunniit ornitassamut angalaqqinnerit tapiiffigineqarsinnaanngillat.
- Tapiissutit nammineq angalanermi benzinamut pisissutigineqarsinnaanngilaq.
- Angalatitsiviup akikillisaatigisinnaasai sapinngisamik atorluarneqartassapput.
- IMAK-ip sulinngiffeqarluni angalanermi aningaasaateqarfiata malittarisassaanut ilaajunnaartoqarpat imaluunniit katersuiffiup nalaani aappaasup sulinngiffeqarluni angalanermut tapiiffigineqartarnera aallartippat, taamaalillunilu atorfeqarnermi atukkatigut nalingiittoqalerluni, tapiiffigineqarsinnaatitaaneq atorunnaarsinneqassaaq.
- Aappaasoq sulinngiffeqarluni angalanermi akiliunneqartarpat imaluunniit atorfeqarnermi atukkatigut nalingiittoqarpat IMAK-ip sulinngiffeqarluni angalanermi aningaasaateqarfianit tapiissutit atorunnaarsinneqassapput.
- Sulinngiffeqarluni angalanernut tapiiffigineqarsinnaatitaaffeqarneq inuit ataasiakkaat pisinnaatitaaffigaat allanullu tunniunneqarsinnaanani. Tapiissutinik atuinngitsoornerit ajunngitsorsiassatut tunniunneqarneq ajorput.
- Sulinngiffeqarluni angalanerit tapiiffigineqarsinnaatitaaffiisa iluini aappaasoq – aamma nalingititaasoq – tapiiffigineqarsinnaatitaasullu najugaqarfianiittut meeqqat 18-it inorlugit ukiullit ilaatinneqarput, angalasussat amerlassusii allannguuteqassagaluarpata tamanna billetisinnginnermi IMAK-imut nalunaarutigineqassaaq, nutaamik akiliissutissamik piniarluni.
- Meeraqaraanni efterskolerniarlutik qinnuteqarsimasunik tiguneqarlutillu, taava tassunga tapiissut peerneqassaaq Namminersorlutik Oqartussanit taperneqarsimagaanni. Taamaattoqartillugu IMAK-imut saaffiginnissutigineqassaaq nutaamik akiliissutissamik (rekvisition) piniarluni.

Sulinngiffeqarluni angalanissap aningaasaateqarfia

- Inooqatigisaq inuit allattorsimaffianni tapiiffigineqarsinnaatitaasup najugaani sivikinnerpaamik ukiumik ataatsimik sivilisussuseqartumik najugaqataassaaq, aappaasutut taamatullu nalingineqartutut isigineqarluni akuerineqassaguni.
- Sulinngiffeqarluni angalanermi tapiiffigineqarsinnaatitaaneq soraarnermi atorunnaartarpoq, taamaattorli atorfeqalernermit ukiut marluk siulliit kingorna atorfeqarfigisamit Københavnimut siumuinnaq angalanermi aqut nalinganik immikkut ittumik Sulinngiffeqarluni angalanissap aningaasaateqarfianut qinnuteqartoqarnerani tapiisoqarsinnaavoq.
- Kinguartitsiniarluni qinnuteqaatit tamarmik allakkatigut qinnutigineqartassapput IMAK-illu allaffianut, Postboks 867, 3900 Nuuk-mut nassiunneqassallutik aamma imak@imak.gl- mut faxikkullu 32 50 61 -mut nassiunneqarsinnaallutik. Qinnuteqaat siulersuisunit aalajangiiffigineqassaaq.
- Siulersuisut allatsitsivik akuerisaat sulinngiffeqarluni angalanerup 2019-imi tapiiffigineqarnissaanut qinnuteqaat **kingusinnerpaamik 31. oktober 2018** tiguneqareersimassaaq. Allatsitsivik www.imak.gl-imi imaluunniit sinniisumut saaffiginninnermi pissarsiarineqarsinnaavoq.

Nuummi ulloq 20. september 2018

Birthe M.
Therkildsen
Siulittaasoq

Minna Andersen
Siulersuisuni
ilaasortaq

Susanne Jørgensen
Siulersuisuni
ilaasortaq

Ruth Jakobsen
Siulersuisuni
ilaasortaq

Najattaaq M.
Kristensen
Siulersuisuni
ilaasortaq

IMAK
Sdr. Herrnhutvej 23
Box 867
3900 Nuuk